

AKHBAR : SINAR HARIAN  
TARIKH : 19 MAR 2016

## Shah Alam akan bergelap sejam

SH  
19/3

**SHAH ALAM** - Majlis Bandaraya Shah Alam (MBSA) akan turut serta dalam Kempen 60+ Earth Hour yang akan diadakan pada hari ini sebagai simbolik terhadap usaha World Wildlife Fund (WWF) untuk menyelamatkan bumi daripada pencemaran alam sekitar.

Ketua Bahagian Korporat dan Perhubungan Awam, Shahrin Ahmad berkata, sebagai tanda sokongan terhadap kempen ini, pihak MBSA menyeru kepada pemilik-pemilik premis di sekitar Shah Alam untuk memadamkan lampu bangunan di premis masing-masing dalam tempoh satu jam (1 jam) mulai 8.30 malam hingga 9.30 malam pada tarikh tersebut (malam ini).

"Lampu-lampu yang dipadamkan hanya lampu-lampu hiasan dan lampu pagar.

"Pada masa yang sama, pihak MBSA juga telah mengedarkan poster Kempen 60+ Earth Hour kepada premis-premis di sekitar Shah Alam," katanya.

Menurutnya, kempen 60+ Earth Hour ini merupakan kempen pendidikan yang bertujuan untuk memupuk kesedaran kepada masyarakat se-



Kakitangan Bahagian Korporat dan Perhubungan Awam, Ahmad Syahid Samsijan mengedarkan poster sempena Kempen 60+ Earth Hour kepada orang ramai yang berkunjung di Kaunter Utama Wisma MBSA.

jagat berhubung isu pemanasan global.

"Pemanasan global itu disebabkan oleh pelepasan gas karbon dioksida dan gas-gas lain yang terperangkap di atmosfera permukaan bumi yang kemudiannya menyebabkan iklim dunia semakin panas.

"Kempen 60+ Earth Hour ini mula diperkenalkan sejak tahun 2006 di Sydney, Australia," katanya.

Shahrin berkata, ia bertujuan menyampaikan keprihatinan penduduk dunia mengenai perlunya satu tindakan proaktif dalam menangani isu pemanasan global.

"Penglibatan rakyat negara ini semakin ramai dalam kempen ini menunjukkan ia berjaya meningkatkan kefahaman masyarakat terhadap kesan buruk perubahan iklim dunia," katanya.